

## UGOVOR O IZVOĐENJU RADOVA

Ovaj Ugovor je sklopljen dana 16.10.2017.godine u sjedištu Agencije "Stari grad" u Mostaru između:

**Agencije „Stari Grad“, Ul. Maršala Tita 170, 88 000 Mostar** (u daljnjem tekstu "Naručitelj") koju zastupa direktor Miralem Fajić, na jednoj strani

i

**GD „BIŠINA“ d.o.o. Mostar, Ul.Lacina 29, 88000 Mostar** (u daljem tekstu " Izvršitelj ") koju zastupa direktor Mirsad Bajgorić, na drugoj strani.

Nakon sprovedenog otvorenog postupka sa namjerom provođenja e-aukcije za dostavu ponuda za nabavku radova, (brojčana oznaka JRJN: 45262600-7): **Tekuće održavanje objekata u vlasništvu Grada Mostara (objekat Narodnog pozorišta, Ul.Brkića 2, Mostar i objekat u Ul.Kujundžiluk bb, Atelje D' -Art)**, Naručitelj je prihvatio kao najpovoljniju Izvršiteljevu ponudu za izvođenje i završetak ugovornih radova po cijeni od 138.563,68 KM (stotridesetosamhiljadapetstošezdesettriKM i 68/100) sa PDV-om (u daljnjem tekstu "ugovorna cijena"), strane su se dogovorile kako slijedi:

### Član 1.

#### UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena (predračun radova) koje je podnio ponuđač
- (2) Projektne specifikacije i tehnički opis sa Stručnim mišljenjem Federalnog zavoda za zaštitu spomenika pri Federalnom ministarstvu kulture i sporta, broj: 07-40-4-3753-1/17 RS od 20.07.2017.godine i Stručno mišljenje broj: 07-40-4-3753-3/17 RS od 15.09.2017.godine na Projekat tekućeg održavanja – Dopuna projekta (izmjena dijela projekta) na objektu Narodnog pozorišta Ul.Brkića br. 2, Mostar.

### Član 2.

#### PREDMET UGOVORA

**Tekuće održavanje objekata u vlasništvu Grada Mostara (objekat Narodnog pozorišta Ul.Brkića 2, Mostar i objekat u Ul.Kujundžiluk bb, Atelje D' -Art).**

Izvršitelj je dužan:

- a.) izvesti sve radove u skladu s ugovornim dokumentima, parafiranim od obje strane; te ispuniti sve obaveze, koje su navedene u odredbama ovog ugovora,
- b.) prihvatiti odgovornost za eventualnu nastalu štetu trećim licima, kao posljedicu implementacije ovog ugovora,
- c.) ne zapošljavati, u svrhu izvršenja ovog ugovora, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koje je angažirala komisija za nabavke, nadležna za dodjelu ugovora o javnoj nabavci,
- d.) za potrebe uređenja gradilišta izvođač radova je obavezan izraditi Plan organizacije gradilišta u skladu sa članu 6. Uredbe Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine Federacije BiH“ broj: 48/09).



### Član 3.

#### UGOVORNA CIJENA

3.1 Ugovorna cijena za izvođenje ugovornih radova prema članu 3. ovog ugovora iznosi:

**neto vrijednost radova: 118.430,50 KM**

slovima: ( stoosamnaesthiljadačetiristotinetridesetKM i 50/100)

**porez na dod. vrijed. – PDV: 20.133,18 KM**

slovima: ( dvadesethiljadastotridesettriKM i 18/100)

**Ukupno: 138.563,68 KM**

slovima: (stotridesetosamhiljadapetstošezdesettriKM i 68/100)

3.2 Cijena za izvođenje radova određena je po jedinici mjere tj. po jediničnim cijenama.

Jedinične cijene radova iz stavki troškovnika su fiksne i neće se mijenjati.

### Član 4.

#### NAČIN PLAĆANJA

4.1 Plaćanja Izvršitelju u okviru ovog ugovora vršit će se na sljedeći način:

- 20 % vrijednosti ugovora avansno nakon zaključenja ugovora i ispostavljanja (obostrano ovjerenog) avansnog računa, a najkasnije u roku od 15 dana
- 80% ugovorene cijene putom mjesečnih obračunskih situacija, a u roku od 30 dana od dostavljanja računa.

4.2 Naručitelj će platiti ugovornu cijenu ili druge iznose, koji dopijevaju za plaćanje na temelju odredbi ugovora u vrijeme i na način propisan ugovorom, putem trezora Grada Mostara na račun Izvođača:1604605500007466 kod Vakufske banke dd, Filijala Mostar.

### Član 5.

#### ROKOVI

5.1 Rok završetka radova

Izvršitelj se obavezuje da će ugovorne radove izvršiti u roku od 120 kalendarskih dana računato od početnog datuma. Početni datum je najkasnije 3 dana od dana potpisivanja Ugovora.

5.2 Rok uspostavljanja gradilišta na raspolaganje Izvršitelju.

Naručitelj će staviti Izvršitelju gradilište na raspolaganje do početnog datuma.



Član 6.

*UGOVORNA KAZNA*

- 6.1 Ugovorna kazna za prekoračenje ugovornog roka završetka radova iznosi 0,005% od ugovorne cijene po danu zakašnjenja.
- 6.2 Maksimalni iznos ugovorne kazne za prekoračenje ugovornog roka, prema 6.1 gore, je 5% od ugovorne cijene.

Član 7.

*UGOVORNO PRAVO*

- 7.1 Mjerodavno pravo ugovora je pravo Bosne i Hercegovine i Federacije Bosne i Hercegovine.

Član 8.

*JEZIK UGOVORA*

- 8.1 Mjerodavni jezik ugovora je jedan od službenih BiH jezika

Član 9.

*JAMSTVO ZA DOBRO IZVRŠENJE UGOVORA*

- 9.1 Besuvjetna bankarska garancija na 10% ugovorene vrijednosti.

Član 10.

*JAMSTVENO RAZDOBLJE*

- 10.1 Jamstveno razdoblje iznosi: 2 godine - za opremu i građevine.

Član 11.

*ARBITRAŽA*

- 11.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.
- 11.2 Mjesto arbitraže: Mostar

Član 12.

*GRADILIŠNA DOKUMENTACIJA*



12.1 Izvršitelj je obavezan uredno voditi gradilišnu dokumentaciju u skladu sa Uredbom Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“ br. 48/09 i 75/09) i ostalim važećim propisima, iz koje će se vidjeti tok, način i obim izvršenih radova.

Član 13.

#### *PREDSTAVNIK NARUČITELJA*

13.1 Naručitelj imenuje gosp. **Šain Antu , dipl.ing.građ. kao Voditelja projekta**, koji će djelovati u njegovo ime u svrhe ovog ugovora, obavljati kontrolu nad izvođenjem radova i ostale poslove u okviru ugovora.

Član 14.

#### *PREDSTAVNIK IZVRŠITELJA*

14.1 Izvršitelj imenuje gosp. **Elezović Nihad, dipl.ing. građ. za šefa radilišta**, koji će djelovati u njegovo ime u svrhe ovog ugovora.

Član 15.

#### *OBAVIJESTI*

15.1 Službene obavijesti će se upućivati na adresu navedenu u zaglavlju ugovora.

Član 16.

#### *STUPANJE UGOVORA NA SNAGU*

16.1 Ugovor stupa na snagu po ispunjenju svih niže navedenih uslova:

- ugovor su potpisale obje strane
- Izvršitelj je dostavio garanciju za dobro izvršenje ugovora.

Član 17.

17.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećim propisima sklopljen u Mostaru dana i godine naznačenih na početku ugovora.

**U ime NARUČITELJA:**  
**Agencija „Stari grad“**

Direktor:

Miralem Fajić, dipl. pravnik



Protokol: I-25-673-13/17

**U ime IZVRŠITELJA:**  
**GD „BIŠINA“ d.o.o. Mostar**

Direktor:  
Mirsad Bajgorić, pravnik

